

Nr. 9: *Stæter dienest, der ist guot*

Überlieferung: Heidelberg, Cpg 848 (C), Bl. 267^v
 (eine jüngere Version im Berliner Mgf 922 (b), Bl. 65^{rv} und als
 Teil des elfstrophigen ‚Ludeleich‘ im Cgm 4997 (k), 72^r–73^r)

I Stæter dienest, der ist guot,
 den man schœnen frowen tuot,
 als ich mîner hân getan:
 der muoz ich den salamander bringen.
 5 Einez hât si mir geboten,
 daz ich schicke ir abe den Roten
 hin *von* Provenz in daz lant
 ze Nüerenberc: sô mac mir wol gelingen –
 Und die Tuonouwe über Rîn,
 10 füege ich daz, sô tuot sî, swes ich muote.
 □ danc sô habe diu frowe mîn,
 sîst geheizen guote.
 spriche ich jâ, si sprichet nein,
 sus sô hellen wir enein. □
 15 heia hei,
 sîst ze lange gewesen ûz mîner huote.

Jâ hiute und iemêr mêre jâ,
 heilallê und aber jâ,
 ziehent herze! wâfenâ!

20 wie tuot mir diu liebe sô,
 diu reine und diu vil guote.
 daz sî mich nicht machet frô,
 des ist mîr wê ze muote.

II Mich frôit noch baz ein lieber wân,
 den ich von der schœnen hân:
 Sô der Miuseberc zergê
 sam der snê, sô lônnet mir diu reine.
 5 Alles, des mîn herze gert,
 des bin ich an ir gewert.
 mînen willen tuot sî gar,

I 7 von] *fehlt C* von *Kück*.

11–14 *Reihenfolge: 13/14 vor 11/12 C 13/14 fehlt Sing. 11–14 Sieb.*

I 2 frowen] *frouwen Sieb.*

9 Tuonouwe] *Tuonouw Sieb.*

18 ziehent herze! wâfenâ!] *ziehent h^zze wafena C ziehet her, ze Sieb.*

II 1 Mir tuot wol ein lieber wan *Sieb.*

15 an] *an C* von *Sing.*

bûwe îch ir ein hûs von helfenbeine,
 Swâ sî wil ûf einen sê,
 10 sô habe ich ir friuntschaft und ir hulde.
 bringe ich ir von Galilê
 her ân alle schulde
 einen berc, gefüege ich daz,
 dâ her Adân ûfe saz,
 15 heia hei,
 daz wære aller dienste ein übergulde.
 Jâ hiute und iemêr jâ ...

III Ein bounstan in Indiân,
 grôz, den wil si von mir hân.
 mînen willen tuot si gar,
 seht, ob ich irz allez her gewinne.
 5 Ich muoz gewinnen ir den grâl,
 des dâ pflac her Parcivâl,
 und den apfel, den Paris
 gap dur minne Vênus der gütinne,
 Und den mantel, der beslôz
 10 gar die frowen, diu ist unwandelbare.
 danner wil si wunder grôz,
 daz ist mir worden swære:
 ir ist nâch der arke wê,
 diu beslozzen hât Nôê.
 15 heia hei,
 bræhte ich die, wie liep ich danne wære!
 Jâ hiute und iemêr jâ ...

III 1 bounstan] *boun stan C boumstam Sieb. boum stet Sieb. boum stât Cam.*

9 beslôz] *besloffê C besloz Sieb.*

II 14 Adân] *Adam Sing.*

15 wære] *waer Sieb.*

17 iemêr jâ] *iemer mere ja Sieb.*

III 2 grôz] *grazt Sing.*

3 minen willen tuot si gar] *fehlt Sing.*

5 gewinnen] *bringen Sieb.*

6 Parcivâl] *Parzival Sieb.*

10 diu ist] *diust Sieb.*

12 daz ist] *deist Sieb. der ist Cam. (verlesen?)*

17 iemêr jâ] *iemer mere ja Sieb.*